

Pojašnjenje u vezi sa članom 143 Zakona o radu Federacije

S obzirom na netačne medijske izvješća u vezi sa članom 143 Zakona o radu Federacije, Ured visokog predstavnika bi želio objasniti koja kategorija osoba ima pravo da se obrati Kantonalnim komisijama za implementaciju člana 143 pri Kantonalnim ministrastvima za rad.

U tu kategoriju spadaju samo bivši uposlenici koji su se do 5. februara ove godine prijavili svojim ranijim poslodavcima da budu stavljeni na listu čekanja, a do sada nisu primili odgovor ili ako su ga primili, a nisu s njim zadovoljni. One osobe koje do 5. februara 2000. godine nisu uopće kontaktirale svog bivšeg poslodavca su izgubile pravo da budu na listi čekanja, te prema tome neće imati ni pravo na otpremnicu ukoliko se ne zaposle ponovno.

Samo one osobe koje su se prije 5. februara 2000. godine prijavile svome bivšem poslodavcu, a nisu dobile odgovor ili nisu njime bile zadovoljne, sada se mogu obratiti Kantonalnim komisijama za implementaciju člana 143 da obnove svoj zahtjev.

OHR preporučuje da se zahtjevi Kantonalnim komisijama šalju preporučenom poštom, te da se kopije sačuvaju. Krajnji rok za obnovljeno podnošenje zahtjeva (obnavljanje postupka) je 6. decembar 2000. godine. OHR bi takodjer želio naglasiti da će svi podnosioci zahtjeva koji obnavljaju svoje molbe morati dokazati Kantonalnim komisijama da su svom poslodavcu dostavili prvobitni zahtjev do 5. februara 2000. godine.